

張華書



山中白雲卷三

西秦玉田生張炎叔夏

廣陵

江昱賓谷疏證
江恂于九參較

西河依綠莊賞荷分淨字韻

別本依上有史元叟三字

花最盛西湖曾泛煙艇鬧紅深處小秦箏斷橋夜飲鶯

鶯水宿不知寒如今翻被驚醒那時事都倦省闌干

來此閒凭是誰分得半機雲恍疑畫錦想當飛燕皺裙

時舞盤微墮珠粉輭波不翦素練淨碧盈盈移下秋

影醉裏玉書難認且脫巾露髮飄然乘興一葉浮香天

風冷

袁桷清容居士集寄史允叟故國王孫佩碧蘭春雲
涼月倚朱闌玉簫曲趁鶯聲轉金鼎香隨蝶夢殘碧
汀波清堪把釣黃塵風急倦彈冠外家文采惟君在
笑我冰蠶跨曉鞍文徵明甫田集史守之越國公
浩孫衛王彌遠之姪禮部侍郎彌大之子避勢遠嫌
退處月湖憲宗書碧社二字賜之昱按袁詩用碧
社事則允叟自屬守之後人此詞自碧盈盈至醉裏
王書句似正指賜書事疑別本題之元字與袁詩之
允字或有一訛

玲瓏四犯杭友促歸調此寄意

流水人家乍過了斜陽一片蒼樹怕聽秋聲卻是舊愁
來處因甚尙客殊鄉自笑我被誰留住問種桃莫是前
度不擬桃花輕誤少年未識相思苦最難禁此時情
緒行雲暗與風流散方信別淚如雨何況夜鶴帳空怎
奈向如今歸去更可憐閒裏白了頭還知否

淒涼犯過鄰家見故園有感

西風暗翦荷衣碎柔絲不解重緝荒煙斷浦晴暉亂
半江搖碧悠悠望極忍獨聽秋聲漸急更憐他蕭條柳
髮相與動愁色老態今如此猶自留連醉筇游屐不
堪瘦影渺天涯儘成行客因甚忘歸謾吹裂山陽夜笛
夢三十六陂流水去未得

聲聲慢別四明諸友歸杭

山風古道海國輕車相逢只在東瀛淡薄秋光恰似此
日游情休嗟鬢絲斷雪喜聞身重渡西泠又遡遠趁回
潮拍岸斷浦揚舠莫向長亭折柳正紛紛落葉同是
飄零舊隱新招知住第幾層雲疏籬尙存晉菊想依然

認得淵明待去也最愁人猶戀故人

唐書地理志開元二十六年以鄞縣置明州以境有四明山爲名

燭影搖紅

西浙冬春閒游事之盛惟杭爲然余冉冉老

矣始復歸杭與二三友行歌雲舞繡中亦清

時之可樂以詞寫之

舟艤鷗波訪鄰尋里愁都散老來猶似柳風流先露看
花眼閒把花枝試揀笑盈盈和香待翦也應回首紫曲
門荒當年游慣簫鼓黃昏動人心處情無限錦街不
甚月明多早已驕塵滿纔過風柔夜暖漸迤邐芳程遞
趨向西湖去那里人家依然鶯燕
憶舊游過故園有感

記凝妝倚扇笑眼窺簾曾款芳尊步履交枝徑引生香
不斷流水中分忘了牡丹名字和露撥花根甚杜牧重
來買栽無地都是消魂空存斷腸草伴幾摺眉痕幾
點啼痕鏡裏芙蓉老問如今何處綰綠梳雲怕有舊時
歸燕猶自識黃昏待說與羈愁遙知路隔楊柳門
春從天上來已亥春復回西湖飲靜傳董高士樓作此

解以寫我憂

海上同槎認舊時鷗鷺猶戀蒹葭影散香消水流雲在
疏樹十里寒沙難問錢塘蘇小都不見擘竹分茶更堪
嗟似荻花江上誰弄琵琶煙霞自延晚照盡換了西
林窈窕紋紗蝴蝶飛來不知是夢猶疑春在鄰家一掬

幽懷難寫春何處春已天涯減繁華是山中杜宇不是楊花

成化杭州府志董嗣杲字靜傳錢塘人寄迹黃冠中
博辨強記談前朝典故如指諸掌作詩詞不經思索
下筆輒成有西湖百詠詩行世 昱按嗣杲字明德
又號靜傳居士後入道改名思學字無益所著西湖
百詠詩凡九十六題每題賦七律一首題下有引詳
敘故實考訂精核足備志乘之采又有百花詩集
仇遠與觀集董靜傳挂冠四聖觀靜按秋淥洗荷衣
問隱孤山隻鶴隨得酒可謀千日醉挂冠猶恨十年
遲雲和家有仙人譜石鼎今無道士詩莫對梅花談
世事此花曾見太平時 又按己亥元成宗大德三
年

甘州賦眾芳所在

看涓涓兩水自東西中有百花莊步交枝徑裏簾分書
影窗照春香依約誰教鸚鵡列屋帶垂楊方喜閒居好

翻爲詩忙 多少周情柳思向一匙一齧留戀年光又
何心逐鹿蕉夢正錢塘且休將扇塵輕障萬山深不是
舊河陽無人識牡丹開處重見韓湘

豈按後慶清朝詞題稱韓亦顏歸隱兩水之濱此詞
起句卽用兩水結語以韓湘事點明則眾芳所在殆
卽亦顏隱處也又五卷甘州柬竹閒詞亦用韓湘事

慶清宮韓亦顏歸隱兩水之濱殆未遜王右丞茱萸洲

余從之游盤花旋竹散懷吟眺一任所適太白
去後三百年無此樂也

淺草猶霜融泥未燕晴梢潤葉初乾閒扶短策鄰家小
聚清懽錯認籬根是雪梅花過了一番寒風還峭較遲
芳信恰是春殘 此境此時此意待移琴獨去石冷慵

彈飄飄爽氣飛鳥相與俱還醉裏不知何處好詩盡在
夕陽山山深杳更無人到流水花閒

詞旨蘄王孫韓鑄字亦顏雅有才思學詞子樂笑翁
一日與周公謹泛舟西湖泊荷花而飲酒半公謹舉
似亦顏學詞之意翁指花云蓮子結成花自落

眞珠簾梨花

綠房幾夜迎清曉光搖動素月溶溶如水惆悵一株寒
記東闌閒倚近日花邊無舊雨便寂寞何曾吹淚燭外
謾羞得紅妝而今猶睡琪樹皎立風前萬塵空獨挹
飄然清氣雅淡不成嬌擁玲瓏春意落寞雲深詩夢淺
但一似唐昌宮裏元是是分明錯認當時玉蕊
探春慢雪霽

銀浦流雲綠房迎曉一抹牆腰月淡暖玉生煙懸冰解
凍碎滴瑤階如霰纔放些晴意早瘦了梅花一半也知
不做花看東風何事吹散搖落似成秋苑甚釀得春
來怕教春見野渡舟回前村門掩應是不勝清怨次第
尋芳去灞橋外蕙香波暖猶妒檐聲看燈人在深院

風入松
春游

一春不是不尋春終是不忺人好懷漸向中年減對歌
鐘渾沒心情短帽怕黏飛絮輕衫厭撲游塵暖香十
里輭鶯聲小舫綠楊陰夢隨蝴蝶飄零後尙依依花月
關心惆悵一株梨雪明年甚處清明

渡江雲
次趙元父韻

錦香繚繞地深燈挂壁簾影浪花斜酒船歸去後轉首
河橋那處認紋紗重盟鏡約還記得前度秦嘉惟只有
葉題堪寄流不到天涯驚嗟十年心事幾曲闌干想
蕭娘聲價閒過了黃昏時候疏柳啼鴉浦潮夜湧平沙
白問斷鴻知落誰家書又遠空江片月蘆花

探芳信西湖春感寄草窗

別本作次
草窗韻

坐清晝正冶思縈花餘醒倦酒甚采芳人老芳心尙如
舊消魂忍說銅駝事不是因春瘦向西園竹埽頽垣蔓
羅荒螫風雨夜來驟歎歌冷鶯簾恨凝蛾岫愁到今
年多似去年否舊情懶聽山陽笛目極空搔首我何堪
老卻江潭漢柳

絕妙好詞周密探芳信西冷春感步晴晝向水院維
舟津亭喚酒歎劉郎重到依依謾懷舊東風空結
香怨花與人俱瘦正淒涼暗草沿池冷苔侵殘橋
曉風驟正香雪隨波淺煙迷岫廢苑塵梁如今燕
否翠雲零落空堤冷往事休回首最消魂一片斜陽
戀柳呈按絕妙好詞李彭老和詞作湖上春游繼
草窗韻則題中寄字當是繼字之說觀別本題可見

聲聲慢題吳夢窗遺筆

別本作題夢窗自
度曲霜花映卷後

煙堤小舫雨屋深燈春衫慣染京塵舞柳歌桃心事暗

惱東鄰渾疑夜窗夢蝶到如今猶宿花陰待喚起甚江

離搖落化作秋聲回首曲終人遠黯消魂忍看冉冉

芳雲潤墨空題惆悵醉魄難醒獨憐水樓賦筆有斜陽

還怕登臨愁未了聽殘鶯啼過柳陰

吳文英夢窗甲稿霜花映重陽前一日泛石湖翠微
路窄醉晚風憑誰爲整敲冠霜飽花映燭消人瘦秋

光做也都難病懷強寬恨雁聲偏落歌前記年時舊
宿淒涼暮煙秋雨野橋寒收靨鬢英爭豔度清商一
曲暗墜金蟬芳節多陰蘭情稀會晴暉稱拂吟牋更
移畫船引佩環巡下蟬娟算明朝未了重陽紫萸應
耐看

徵招答仇山村見寄

可憐張緒門前柳相看頓非年少三徑已荒涼更如今
懷抱薄游渾是感滿煙水東風殘照古調誰彈古音誰
賞歲華空老京洛染緇塵悠然意獨對南山一笑只
在此山中甚相逢不早瘦吟心共苦知幾度翦燈窗小
何時更聽雨巴山賦草池春曉

兩浙名賢錄仇遠字仁近自號近村又號山村朱
存理鐵網珊瑚夜山圖跋山村先生杭人仕教官杭
州知事致仕當時以詩名西湖游覽志遠元初爲
溧陽州教授工詩文游其門者若張雨張翥莫維賢

皆有名當時所著有山村集批注唐百家詩選七
修類稿山村先生宋咸淳進士博通經史刺有詩聲
惜未見其集以行世也就家錢塘今西城隴下尙有
遺址在焉卒葬北山棲霞嶺言昱按詞有規諷亦期
以歲寒之意

甘州餞草窗歸雪

記天風飛佩紫霞邊顧曲萬花深甚相如情倦少陵愁
老還歎飄零短夢恍然今昔故國十年心回首三三徑
松竹成陰不恨月篷南浦恨翦燈聽雨誰伴孤吟料
瘦筇歸後閒鎖北山雲是幾番柳邊行色是幾番同醉
古園林煙波遠筆牀茶竈何處逢君

昱按草窗又號四水潛夫又號弁陽老人四水者若
水餘不前溪北流入湖郡雲溪即昔人所謂四水
交流雪霽聲是也弁亦郡之鎮山蓋草窗生于湖中
年雖還杭晚仍歸老汗湖觀玉田此詞可見

一剪紅弁陽翁新居堂名志雅詞名贊洲漁笛譜

製荷衣傍山窗卜隱雅志可閒時款竹門深移花檻小
動人芳意菲菲怕冷落贊洲夜月想時將漁笛靜中吹
塵外柴桑燈前兒女笑語忘歸分得煙霞數畝年埽
苔尋徑撥葉通池放鶴幽情吟鶯懼事老去卻願春遲
愛吾廬琴書自樂好襟懷初不要人知長日一簾芳草
一卷新詩

吳興掌故公謹祖少傳公原居邵城天聖寺側公謹
復置業弁山齊東野語吾家三世積累先君子尤
酷嗜凡有畫及金石之刻度置書種志雅二堂呈
按贊洲漁笛譜凡二卷流傳頗少嘗得之武林友人
其字體似從宋槧影鈔此外余先後尙得二本皆名
草窗詞一爲吳氏鈔本一則周司農櫟園先生所藏
閒以三者互校吳本皆周本所有而贊洲與周本校
則贊洲內西湖十景詞并各詞小序周本悉無之然

周本亦有數閣爲贛洲所無當校定彙爲一集以成
弁陽翁之全璧云又草窗著有志雅堂雜鈔

高陽臺慶樂園卽韓平原南園戊寅歲過之僅存丹桂

百餘株有碑記在荆榛中故未有亦猶今之視

昔之感復歎葛嶺賈相之故廬也

古木迷鴉虛堂起燕懽游轉眼驚心南園東窗酸風埽

盡芳塵鬢貂飛入平原草最可憐渾是秋陰夜沈沈不

信歸魂不到花深吹簫踏葉幽尋去任船依斷石袖

裏寒雲老桂懸香珊瑚碎擊無聲故園已是愁如許撫

殘碑卻又傷今更關情秋水人家斜照西冷秋水觀賈相行樂處

武林舊事南園中興後所創光宗朝賜韓侂胄陸放

翁爲記後復歸御前名慶樂賜嗣榮王與芮又改勝

景荅塘詩話慶樂園韓平原之南園也有碑石臥
荆棘中猶存古桂百餘夢梁錄內有十樣亭樹工

臺城路送周方山游吳

巧無二射圃走馬廊流杯池山洞堂宇宏麗野店村莊裝點時景觀者不倦內有閣名凌風閣丁香山巍然立於前非古沈卻枯枿耳白瑱西湖賦慶樂有梅關桂林之勝珍禽異獸之繁亭連棟爲十景碑蝕苔以千言記南園之絕景扁西湖之洞天扣弦憑軾錄讀此詞不禁爲之增感余爲童子時見所謂慶樂園其峰磴石洞猶有存者至正德間盡爲有力者移去矣呈按禁扁及珊瑚網載此詞真蹟俱作慶樂題中承字應是樂字之訛西湖游覽志葛嶺下有集芳園淳祐間理宗以賜賈似道改名後樂園又水竹院落似道離亭在西泠橋南波光萬頃與闌檻相值內有秋水觀又按戊寅宋端宗景炎三年

朗吟未了西湖酒驚心又歌南浦折柳官橋呼船野渡還聽垂虹風雨漂流最苦況如此江山此時情緒怕有鴟夷笑人何事載詩去荒臺只今在否登臨休望遠都是愁處暗草埋沙明波洗月誰念天涯羈旅荷陰未